



tinypic

This image is no longer available.  
Visit [tinypic.com](http://tinypic.com) for more information.

### Najmlađa ukopana žrtva 15-godišnji Edin Hamidović

Petnaestogodišnji Edin Hamidović najmlađa je žrtva jučer ukopana na vlaseničkom mezarju Rakita. Uz još 33 žrtve kojima je jučer klanjana dženaza, i Edin je jedan od onih za čiju su smrt isključivo krive komšije Srbi iz Vlasenice.

### Grozna mučenja

- Krenuo je s još dva mladića da pomogne dvjema ženama ranjenim u Zaklopači, ali su ga na barikadi u Vlasenici zarobili i odveli u zatvor. Majka ga je posjećivala dva-tri puta u zatvoru, a prilikom zadnje posjete bio je psihički uništen, jer je vidio šta su Srbi radili ovoj dvojici mladića što su bili s njim. Kasnije, kako smo čuli, prebačen je u logor Sušicu i tamo je vjerovatno i ubijen jer smo njegove posmrtno ostatke našli u grobnici u Sušici - ispričao nam je Salko Hamidović koji je jučer Edinov tabut spustio u mezar.

Među mnogobrojnom rodbinom koja se jučer u Vlasenici opraštala od svojih najmilijih zatekli smo i Anela Arnauta koji je sa svojim amidžom i rođacima klanjao dženazu ocu Fikretu. O smrti svoga oca koji je 1992. godine odveden u logor Sušica saznao je od komšije Muje Ćatića.

- Fikreta je zarobio Jenki, a mene prvi komšija Gegura, kojega zovu Konobar. Jenki je Fikretu gurao nož u usta, mučio ga je. Kasnije su ga odveli u logor Sušica i znam da su njemu i Mevludinu Ataniću polomili sva rebra. Nakon nekoliko dana, mene su premjestili u logor

## **Dok su ukopavane žrtve zločina, iz Vlasenice odjekivala muzika**

Autor A. HADŽIĆ/Dnevni Avaz

Ponedjeljak, 26 Travanj 2010 18:22 - Ažurirano Ponedjeljak, 26 Travanj 2010 19:12

---

Batković, a Fikret je ostao u Sušici. Čuo sam da su njegovo tijelo pronašli na Pelemišu - kazao nam je Ćatić.

Sve jučer u Vlasenici ukopane žrtve, među kojima je bilo i pet žena, uglavnom su ubijene u Policijskoj stanici, logoru Sušica i na poznatom stratištu na Pelemišima. Njihove ubice su poznate i skoro svi su na slobodi.

### **Zločinci slobodni**

Jučer dok su na mezarju Rakita rođaci i prijatelji klanjali dženazu i u suzama se opraštali od svojih najmilijih, samo nekoliko stotina metara dalje u centru Vlasenice s razglasa je odjekivala muzika. Radovali su se upravo oni koji za zločine koje su počinili 1992. još nisu izvedeni pred lice pravde.

Posljednjem ispraćaju 34 žrtve zločina u Vlasenici jučer je prisustvovalo nekoliko hiljada Bošnjaka iz Vlasenice te drugih podrinskih mjesta. Pijetet žrtvama odale su i članice Udruženja "Žene u crnom" iz Beograda, Amor Mašović i drugi članovi Instituta za nestale, kao i mnoga bosanska udruženja žrtava. Osim Šefketa Hafizovića, potpredsjednika NSRS, Sadika Ahmetovića, ministra sigurnosti BiH, te nekoliko predstavnika lokalne vlasti, ostalih državnih i entitetskih funkcionera nije bilo.

### **Muftija Smajić: Ove žrtve su cijena BiH**

- Allah, dž. š, obećava pobjedu onima koji se bore za istinu na zemlji. Bošnjaci danas, 15 godina nakon rata, koji su bili i muhadžiri, i ubijani i progonjeni i omalovažavani, još nisu prestali da budu omalovažavani, jer nisu pokopali svoje najmilije. Ove žrtve su cijena Bosne i Hercegovine i moramo dati zavjet da ćemo se boriti za dostojanstvo ovih žrtava - poručio je izaslanik reisu-l-uleme, muftija sarajevski Husein ef. Smajić.

### **Muftija Kavazović: Lica zločinaca nećemo zaboraviti**

- Da je zločin počinjen nad nevinim ljudima govore i ovi tabuti. Poručujem da mi lica onih koji su zločine činili nećemo zaboraviti i nećemo se smiriti dok pravda ne bude zadovoljena, ma koliko to dugo trajalo. Ne želimo ništa drugo nego pravdu. To je ono na što polazemo pravo i svima koji nam to pravo pokušavaju uskratiti poručujem da to ne čine - kazao je u svom obraćanju muftija tuzlanski Husein ef. Kavazović.